

थेसलोनिकेला वोतुप तेपा कितुपतिवाला पावलकी टिवु यिकी थल्मा दी थेपकी कोर्ला

थेसालोनिके ति रोमी लुड्बाकी माकेडोनियाकी ग्येल्सा यिन। पावलकी फिलिप्पी क्युर ज्यक्सिमा ती थेसालोनिके ग्येसाला चर्च गो चुनोक। यिने ते शाक्येक यहदीतिवी पावलकी तेन्दोकला लासुड। तिवा ति यहदी मिनोक, यिने यहदी फयानला ति गा किनोक। तमा तिवी पावलकी ख्याप्टाक क्यावु लेन ल्यामु ति मी यम्बी सेमला लावु साड गा मिकिनोक। ती तप्की पावल थेसलोनिके क्युर ज्याक्नी बेरियाला डोप सोड्सुड। ज्युक्ला पावल कोरिन्थला वासिमा खोरो मुला राड लाका कितुप तिमोथी नेसुर थेसलोनिकेला वोतुप चर्चकी कोर्ला लेन ड्येसुड।

दी थल्माकी यिकी ति पावलकी थेसलोनिकेला वोतुप ख्रीष्टियानतिवाला डाडेड तेस्पला टिवु यिन। पावलकी तिवी तेपा ताड ड्रियड्ज्येकी कोर्ला लेन थोवु तप्की तिवाला थुचिछे सिनी दी यिकी तड्गुप यिन। दी यिकीला पावलकी खुरूड तिवी मुला वोतुप पेला चुका मिजी क्याड्सुड सिनी तीकी कोर्ला तिवाला टेन्सो लाड वे। ती ज्युक्ला तीकी ख्रीष्ट फेपुपकी कोर्ला चर्चला क्यावु टिवातिवाला दुका टिलेन बिन्सुडः काड ख्रीष्ट फेपुप सिनाड गोमाला तेपा क्यानी शेष मी ति खो फेपुप पेला नाम्साड मिशिवु मिजी थोप छयोवु च्युड थुक्किवी? ख्रीष्ट येलुड नम फेक्किवी? ती कोकापला पावलकी तिवाला ख्रीष्ट फेपुपला गुनी देतुप पेला खरक्पा सोके खोकी लाका क्या क्यावा दे सिनी तिवाला योक कुसुड।
मुला राड वोतुप लोप्च्येनतिवा

पावलकी डोशी १:१

थुचिछे ताड सोवा देकुप १:२-३:१३

ख्रीष्टियान च्योलामकी कोर्ला टोड्गु ४:१-१२

ख्रीष्ट फेपुप कोर्ला टोड्गु ४:१३-५:११

तिड्मी टोड्गु ५:१२-२२

यिकी सिन्दा क्यावु ५:२३-२८

पावलकी थेसलोनिकीतिवाला टसी देलेक

1 टसी देलेक! पावल ताड सिलास ताड तिमोथी नेसुर पपा कोन्छयोक ताड चोवो येशू ख्रीष्टला तेपा कितुप थेसलोनिकेला वोतुप चर्चकी मीतिवाला दी यिकी ति टिवु यिनो।

ख्यिराड तेरीला कोन्छयोककी कटिन ताड लोदिमु वुइशी।

थेसलोनिकीतिवी तेपा

2 झ्यिराड मोपोर कितुप पेला कोन्छयोकला नरी थुचिछे पुलनी ख्यिराड तेरीला टेन्दा किवी,

3 च्यिलासिसिन दाक्पी पपा कोन्छयोककी थोइदाडला ख्यिरा लाका खोइतेमु क्यावु ताड मी यम्बाला झ्यिइज्ये क्यावु ताड चोवो येशू ख्रीष्टला रेवा क्यानी गुन देतुप तप्की यिन।

4 अच्युनुपतिवा, कोन्छयोककी ख्यिराडला झ्यिइज्ये क्यानी पेन नङ्गुप यिन सिनी झ्यिराडला छया वे।

5 च्यिलासिसिन झ्यिरा ख्याप्टाक क्यावु लेन ल्यामु ति ख्यिरा ते सुडला तिराड बिन्दुप मिन, यिने ओड ताड कोन्छयोककी थु चाइमा नेमा तेन्तेन क्यानी बिन्दुप यिन। झ्यिराड ख्यिरा पर्ला वोतुप पेला चुक क्यानी ख्यिराडला दाल्जा किटे क्यासुड सिस्म ति ख्यिराडला राड छया वे।

6 ख्यिराडला छेटाड ताड दुक्पा बडी च्युइसनाड कोन्छयोककी थु चाइमाकी लोदिमु नङ्गुप तप्की ख्यिरा कोन्छयोककी सुड ल्यामु क्यानी झ्येन्सुड। तुक क्यानी ख्यिरा झ्यिराड ताड चोवो येशूकी दोके लुमु सेतुप च्युइसुड।

7 ती तप्की माकेडोनिया ताड अखैयाकी तेपा कितुपतिवा तेरीकी पर्ला ख्यिराड पे च्यिक च्युइसुड।

8 च्यिलासिसिन ख्यिरा नेसुर राड चोवो येशूकी सुड ति माकेडोनिया ताड अखैयाला तिराड फेलुप मिन, यिने कोन्छयोकला ख्यिरा क्यावु तेपा ति दासा तेरीला फेलुप तप्की त ख्यिराडला दीकी कोर्ला झ्यिरा सि गोवु तामडे काड साड मे।

9 तमा झ्यिराड ख्यिरा पर्ला वुङ्गुप पेला ख्यिरा झ्यिराडला गासो शवु ताड कुतिवाला शब्ज्यी बलुप क्युर ज्याक्नी डोसु ताड टेड्बु वोतुप कोन्छयोकला सोवा पुलुप तामडे ति माकेडोनिया ताड अखैयाकी मीतिवी खोपे राड लक्किवी।

10 तोजो तिराड मिन, टुङ्गुप ने डोसु लानी दाक्पुला त ख्येल वुङ्गुप छयेर्पा नेसुर र्होक ज्यितुप कोन्छयोककी सेवु ति देवाच्येन नेमा फेवुला ख्यिराड गुन देतुप ताम्डे साड तिवी खोपे राड लक्किवी।

2

थेसलोनिकेला पावलकी क्यावु लाका

1 अच्यनुपतिवा, ड्यिराड ख्यिरा चिप्ला वावु ति तेर्मे राड मागल सिनी ख्यिराडला छ्या वे।

2 गोमाला ड्यिराड फिलिप्पीला वोतुप पेला छेटाड खुस्प ताड तेकी मीतिवी ड्यिराडला ड्यिड्मर क्यावु ति ख्यिराडला छ्या वे। ड्यिराड थेसलोनिकेला वासिमा साड तेकी मीतिवा ड्यिरा तेन्दोकला लासुड, यिन्सिनाड कोन्छयोककी ड्यिराडला डाडेड नङ्गुप तप्की खोकी लेन ल्यामु ति ख्यिराडला ख्याप्टाक क्यायिन।

3 ड्यिरा ख्यिराडला ख्याप्टाक क्यावु लेन ल्यामु ति ड्यिरा नासाम मेलोवा ताड्नी क्यावु मिन, सेम मेटेड्बु क्यानी क्यावु साड मिन, ताम्डे जोनी ख्यिराडला केन्दुपला साड मिन।

4 यिने कोन्छयोककी ड्यिराडला लो तेन्नी लेन ल्यामु ख्याप्टाक कि च्यिसुड। ड्यिरा ख्याप्टाक क्यावु लेन ल्यामु ति मीला गा लोङ्गुपला मिन, यिने दाक्पी सेम ल्हाप कोन्छयोकला गा लोङ्गुपला यिन।

5 ड्यिरा नाम्साड मीतिवाला ताम्डे ल्यामु तिराड क्यानी गा लोङ्गुप लाका माक्या। तमा देर्पा साड माक्यावु ति ख्यिराडला छ्या राड वे। दीकी पड्बु ति कोन्छयोक राड यिन।

6-7 ड्यिराड ख्रीष्टकी लोमा छ्ये यिन्दुप तप्की ड्यिरा ख्यिरा खला ओङ्ज्येन साड कि थुक्किवी, यिने ख्यिराड ताड मी यम्बा सु नेसुर साड ड्यिरा ताड्देन माछल्नी आमी खोरो आडातिवाला ल्हावु दोके ड्यिराड ख्यिरा पर्ला सेम बोल्मु च्युड्यिन।

8 तुक क्यानी ड्यिरा ख्यिराडला छासे ड्यिड्ज्ये लानी कोन्छयोककी लेन ल्यामु तिराड ख्याप्टाक क्यावु मिन, ड्यिरा मिजी साड ख्यिरा थोक्ला तेस्प छलिन।

9 अच्युनुपतिवा, इयिरा हर्ताक कयानी रङ्गी टेमु क्यावु याड ख्यिराडला छ्या राड वे। ख्यिराड सुला साड काले मेख्येल्शी सिनी इयिरा इयी ताड नुज्या लाका बडी कयानी कोन्छ्योककी लेन ल्यामु ति ख्यिरा पर्ला ख्याप्ताक क्यायिन।

10 तमा ख्यिराड तेपा कितुपतिवी पर्ला इयिरा किताड नालु ति चाड्मा ताड टेड्बु वोतुप ताड काड साड क्येन मेतुप ति ख्यिराड राड पड्बु वे, तमा कोन्छ्योक साड पड्बु वे।

11-12 पपी खोरो पुज्युडपुमला क्यावु दोके इयिरा ख्यिराड रे रेला टोङ्गु ताड डाडेड बिन्दुप ति ख्यिराडला राड छ्या वे। तुका टोङ्गु बिन्दुप ति ख्यिरा किताड नालु ति कोन्छ्योककी सेमला डो छ्योवु च्युङ्गुपला यिन। ती कोन्छ्योककी ख्यिराडला खोकी ग्येल्खाप ताड खोकी मोवाला कताड नाड्सुड।

13 तुक कयानी ख्यिरा थोक्ला इयिराड कोन्छ्योकला नरी थुचिछे बुलिन। च्यिलासिसिन ख्यिरा सुड इयेन्दुप पेला मी सुड दोके कयानी मिन, यिने कोन्छ्योककी सुड दोके कयानी सेमला लासुड। वुतुड के ती सुङ्गी ख्यिराड तेपा कितुपतिवी मिजीला लाका साड कियी वे।

14 अच्युनुपतिवा, ख्यिराड यहदियाला वोतुप तेपा कितुप कोन्छ्योककी चर्चकी मीतिवी दोके लुमु सेतुप च्युड्सुड। च्यिलासिसिन यहदियाला वोतुप तेपा कितुप मीतिवाला तेपा मिकिवु यहदीतिवी छेटाड बिन्दुप दोके ख्यिरा साड ख्यिरा लुड्बी मीतिवा नेसुर छेटाड खुरिन वे।

15 ती यहदीतिवी राड गोमाला कोन्छ्योककी लुड्तेम्बातिवाला साड सेतुप यिन, चोवो येशूला साड सेसुड। इयिराडला साड कनी ग्येसाला गल्सिनाड दे माच्यिनी शासुड। तमा तिवा कोन्छ्योकला गा मालाङ्नी मी तेरीकी तेन्दोकला लङ्गिनोक।

16 तमा यहदी मिन्दुप मिरिक यम्बाकी मीतिवा थर्शी सिनी इयिरा तिवाला सुड ख्याप्ताक कितुप पेला साड तिवी इयिराडला क्येक्सुड। तुक कयानी तिवा इयिमी टेड दिक्पी क्येङ्गुप तप्की कोन्छ्योककी पचर्या ति तिवी खला ख्येलनी वे।

थेसलोनिकीतिवाला पावलकी ठेतुप नो क्यावु

17 अच्युनुपतिवा, दाक्पु तन्दा चेयी पर सेक दासा कुतुक कुतुकला देनी वे, यिने सेम ति च्यिक्पा राड वोतुप तप्की ख्यिराडला छासे ठेयिन्दे लासुड।

18 तुक क्वाणी इयिराड ख्यिरा चाला बुङ्गुप नो क्वायिन। इ पावल साड थेङ्मा अलायी ख्यिरा ते बुङ्गुप छलिन, यिने शैतानकी इयिराडला क्येक्सुड।

19 च्यिलासिसिन चोवो येशू फेपुप पेला खोकी दोङ्ला इयिरा रेवा ताड लोदिमु ताड तेके क्वावु उशाक ति काड ख्यिराड राड मिन रो?

20 इयिरा मोवा ताड लोदिमु साड वुतुड के ख्यिराड राड यिन।

3

1 ख्यिराडला ठेतुप माङ्ग्येसिमा इयिराड हम क्वाणी दे माथुप। तमा इ ताड सिलास ति एथेन्सला देतुप ति ल्यामु यिन सिनी नासाम तङ्गुप तप्की

2 कोन्ख्योककी सुड ख्याप्टाक कितुप दाक्पी नुप तिमोथीला ख्यिरा ते तङ्गुप। च्यिलासिसिन तीकी ख्यिराडला तेपा रम्बु क्वाणी दे ज्यितुपला ताड टोङ्गु तेस्पला ताड

3 चुका छेटाड ख्येल वासिनाड ख्यिराड सु साड तेपा नेसुर फला छुला मोडोशी सिनी तीला ख्यिरा ते तङ्गुप यिन। तुका छेटाड ति दाक्पु तेपा कितुपतिवा तेरीला गिबी सिस्प ति ख्यिराडला छ्या वे।

4 तोङ्ला इयिराड ख्यिरा मुला वोतुप पेला साड ख्यिराडला छेटाड ख्येलिगी सिनी इयिरा ख्यिराडला थेङ्मा बडी सिक्वायिन। दी ति वुतुड के च्युङ्गुसुड। ती ति ख्यिराडला साड छ्या वे।

5 तुक क्वाणी इ तरोड साड हम क्वाणी दे माथुप्नी ती खोक्पा ल्हाप शैतानकी ख्यिराडला साड खोक्पा ल्हासिन इयिरा क्वावु टेमु ति तेर्मे राड डिने सिनी ज्यिवा लानी ख्यिरा तेपा चुकै नोक सिनी ल्हापला तिमोथीला ख्यिरा ते तङ्गुप यिन।

6 यिने तन्दा तिमोथी ख्यिरा तेसुर इयिरा चाला वानी ख्यिरा तेपा ताड इयिङ्ग्ये क्वावु लेन ल्यामु ति इयिराडला लाप्सुड। तोजो तिराड मिन, ख्यिरा इयिराडला इयिङ्ग्ये लानी नरी टेन्गिनोक। तमा इयिरा ख्यिराडला ठेतुप नो क्वावु दोके ख्यिरा साड इयिराडला छासे ठेतुप नो क्वा वे सिस्प ति तीकी इयिराडला लाप्सुड।

7 तुक क्वाणी अच्युनुपतिवा, ख्यिरा तेपा क्वावु तप्की इयिराड दुक्पा ताड छेटाडला ख्येलुप पेला साड डाडेड इयेनी वे।

8 ख्यिरा कोन्ख्योकला तेपा रम्बु क्वाणी देतुप तप्की इयिराड सेम लोदिमु क्वाणी दे थुक्किवी।

9 ख्यिरा थोक्ला ड्यिराड कोन्छयोक्की थोड्दाडला छासे लोदिमु वे। तुक क्यानी ड्यिरा खोला चो थुचिछे पुल्लिनाड ड्युड्मु डिवी।

10 ख्यिराडला येलुड ठेनी ख्यिरा तेपा ति मड रम्बु जोपला ड्यी ताड नुज्या ड्यिराड कोन्छयोक्ला मोपोर कितिन।

11 त दाक्पी पपा कोन्छयोक् ताड चोवो येशू ख्रीष्टकी ड्यिराडला ख्यिरा चाला वुड्गुप लाम ति पेन नड्शी।

12 चुक क्यानी ड्यिरा ख्यिराडला ड्यिड्ज्ये क्यावे, तुक राड क्यानी कोन्छयोक्की ख्यिराडला च्यिककी च्यिकला ताड मी तेरीला मड मड ड्यिड्ज्ये कितुप जो नड्शी।

13 तमा चोवो येशू ख्रीष्टकी ख्यिरा तेपा रम्बु जो च्यिनी खो खोरे चाड्मा वोतुप मीतिवी मुला फेपुप पेला दाक्पी पपा कोन्छयोक्की दोड्ला ख्यिराड चाड्मा ताड काड साड क्येन मेतुप जो नड्शी।

4

कोन्छयोक्ला गा लोड्गुप

1 तेरी सिनाड तिड्ला अच्युनुपतिवा, चोवो येशूकी मिडला ड्यिराड ठाकुरे सिनी ख्यिराडला गोड्बा शूनी टोड्गु तेरिनो। ख्यिरा मिजी चुक क्यानी क्योड गोकिवी, चुक क्यानी कोन्छयोक्ला गा लोड गोकिवी सिनी ख्यिरा ड्यिरा नेसुर लाप्सुड। तमा तन्दा सेक ती दोके कियी वे, तरोड साड ख्यिराड मड मड फरिन ग्युक।

2 तमा चोवो येशूकी ओडला चुका चुका कतिवा ड्यिरा ख्यिराडला बिन वे, ती ति ख्यिराडला राड छ्या वे।

3 च्यिलासिसिन कोन्छयोक्की नोवा ति ख्यिराड चाड्मा देशी सिस्प यिन। तीकी तेन्दोक ति ख्यिराड शम्डेन माकी,

4 ख्यिराड दाक दाक्पुला टेड्बु क्यानी रड्गी पेमीला ताड्देन की,

5 कोन्छयोक्ला डो माशेवु मिरिक यम्बातिवा दोके शम्डेन माकी सिनी सिक्वावु यिन।

6 तमा सी साड खोरो नुपला मेलोक्पा मिक्शी। च्यिलासिसिन दी तेरी ताम्डेकी छ्येर्पा तेस्प ति कोन्छयोक् राड यिन। ड्यिरा ख्यिराडला गोमाला राड सिक्वायिन।

7 काड यिन सिसिन कोन्छयोककी दाक्पुला मेटेड्बुकी थोक्ला मिन, यिने टेड्बुकी थोक्ला कताड नड्गुप यिन।

8 तुक क्यानी सी दी ताम्डेतिवा मेड्जेन्वे, तीकी मीला माड्जेन्दुप मिन, ख्यिराडला थु चाड्मा नड्गुप कोन्छयोकला माड्जेन्दुप यिन।

9 त अच्युनुपतिवा ड्जियेड्ज्येकी कोर्ला याड सी साड ख्यिराडला टिक गोवु मे। च्यिलासिसिन च्यिककी च्यिकला ड्जियेड्ज्ये कितुपकी कोर्ला ति ख्यिराडला कोन्छयोक नेसुर राड येन्देन ड्जेतुप तप्की

10 माकेडोनियाकी तेरी अच्युनुपतिवाला ख्यिराड वुतुड के ड्जियेड्ज्ये कियी वे। अच्युनुपतिवा, तरोड साड मड ल्हक्पा तुक राड क्यानी ड्जियेड्ज्ये की सिनी ड ख्यिराडला टोड्गु तेरिन।

11 ड्जियरा ख्यिराडला टोड्गु बिन्दुप दोके मी यम्बी कोर्ला ताम्डे माकी, यिने दाक दाक्पी लाकाला नासाम तड्नी लाका की।

12 तुक क्यासिन तेपा मिकिवु मीतिवी ख्यिराडला ताड्देन किवी। तमा ख्यिराडला मी यम्बी काड रे च्यिक रे तेर्किते सिनी सुला साड रेवा क्यानी मादे।

चोवो येशू येलुड फेपुप कोर्ला

13 अच्युनुपतिवा शेषतिवी कोर्ला ख्यिराड हाक्माकोवा क्यानी मेदेशी, तमा रेवा मेतुप मीतिवा दोके सेम्दुक क्यानी साड मेदेशी सिस्प ति ड्जियरा नोवा वे।

14 च्यिलासिसिन येशू टुड्नी येलुड डोसु लावु ति ड्जियराड तेपा किवी। तुक राड क्यानी येशूला तेपा क्यानी शेषतिवाला येशू येलुड दी जम्बुलिडला फेपुप पेला कोन्छयोककी येशू ताड मुला राड तिवाला कताड नड्गिगी।

15 चोवो येशू दी जम्बुलिडला ज्युवु पेला नड्गुप सुड नेसुर राड ड्जियराड ख्यिराडला सिरिन। ती शेषतिवा ति चोवो येशू लोड दी जम्बुलिडला फेपुप पेला सेक सेन्बु वोतुपतिवा सिनाड गोमाला के येशूला ठेकिवी।

16 च्यिलासिसिन चोवो फेपुप पेला क नड्गुप थोर ग्येर्पु ताड देवाच्येनकी लेन क्योलुप थु छयेकी वोरु ताड कोन्छयोककी ग्यड्डा तोड्गुप वोरु ताड मुला देवाच्येन नेमा पाप्नी फेक्किवी। तमा ख्रीष्टला तेपा क्यानी शेषतिवा ति गोमाला के सेन्बु लड्गिगी।

17 ती ज्युक्ला दाक्पु तेपा क्यानी ती पेला सेक सेन्बु लुवुतिवा तिवा ताड मुला राड नाम ने केला मुक्पी पर्ने चोवोला ठेतुपला तेक्नी डिवी। तमा दाक्पु नरी खोकी मुला राड देतुप इयेकिवी।

18 तुक क्यानी च्यिककी च्यिकला चोवो येशूकी नङ्गुप दी सुड नेसुर टोङ्गु बिना।

5

चोवो येशू येलुड फेपुप कोर्ला

1 अच्युनुपतिवा चोवो येशू चो पेला ताड नम पेला फेपुप कोर्ला याड ख्यिराडला काड साड टिक गोवु मे।

2 च्यिलासिसिन चोवो येशू फेपुप तुजे याड नुपला कुर्मेन वावु दोके हाक्माकोवा क्यानी गिवी सिस्सु ति ख्यिराडला राड छ्या वे।

3 मीतिवा लोदिमु ताड सेम किर्मु क्यानी देकिवी। ती पेला पेमीं पुज्युडला हाक्माकोवा क्यानी आडा क्येप सुक ग्यपुप दोके तिवी खला छेटाड ख्येल गिवी। तमा तिवा सु साड ती छेटाड ने थर मुथुपी।

4 यिने अच्युनुपतिवा, ख्यिराड याड येशूला तेपा क्यानी नक्तोमीला युक्पु मी मिन। ती तप्की ती कुर्मेन दोके हाक्माकोवा क्यानी वुङ्गुप छेटाडला मेख्येल्वी।

5 च्यिलासिसिन ख्यिराड तेरी ठछ्येली ताड इियमी गुडगी गिपा यिन, नुप ताड नक्तोमीकी गिपा मिन।

6 तुक क्यानी दाक्पु ति नक्तोमीला इयिलोकुप मी यम्बा दोके इयिमालोक्नी च्याड्से देतुप।

7 च्यिलासिसिन इयिलोकुपतिवा नक्तोमीला इयिलोकिवी, तमा छ्याङ्गेलेतिवा नक्तोमीला आराक थुनी जिवी।

8 यिने दाक्पु याड ठछ्येलीला वोतुप कोन्छ्योककी गिपातिवा यिन्दुप तप्की च्याड्से क्यानी देतुप। तमा मक ग्यकुप पेला मक्मीतिवी छेकोक र्होकुपला च्या ग्यपुप दोके क्यानी चोवो येशूला तेपा कितुप ताड च्यिककी च्यिकला इयिङ्ज्ये किसा। तमा मक्मीतिवी गो र्होकुपला च्याकी शमुड कोन्दुप दोके क्यानी कोन्छ्योककी दाक्पुला थर ज्यितुप रेवा क्यानी देतुप।

9 च्यिलासिसिन कोन्छ्योककी दाक्पुला छ्येपां तेस्पला मिन, यिने दाक्पी चोवो येशू ख्रीष्ट नेसुर दिक्पा ने थर थुपुपला तोड्ला के पेन नङ्गुप यिन।

10 खो दाक्पी थोक्ला टुङ्सुड। ती तप्की दाक्पु सेन्बु देसिनाड शिसिनाड नरी खोकी मुला राड मिजी क्योङ्गुप।

11 तुक क्यानी खिरा तसाम क्यावु दोके च्यिककी च्यिकला टोङ्गु बिन्नी तेपा रम्बु क्यानी देता।

पावलकी बिन्दुप तिङ्मी टोङ्गु

12 अच्यनुपतिवा, खिराडला ड्यिराड ठाकुरे सिनी गोड्बा शोयी। खिरा पर्ला टेमु क्यानी ख्रीष्टकी ओडला गोमा कितुप ताड टोङ्गु तेस्पतिवाला ताङ्देन की।

13 तमा तिवी क्यावु लाकाकी थोक्ला तिवाला ल्यामु क्यानी मड ताङ्देन किसा। खिराड तेरीकी मुला थिन्नी देता।

14 अच्यनुपतिवा, खिराडला ड्यिराड टोङ्गु तेरिन। छेशिक्यातिवाला येन्देन बिन, सेम्दुक कितुपतिवाला साड टोङ्गु बिन, दाल्जा कि गोवुतिवाला दाल्जा किटे की, तेरीकी पर्ला कुसु ज्यम्बु क्यानी दे।

15 खिराड सी साड मेलोक्पाकी थोक्ला मेलोक्पा माकी, यिने च्यिककी च्यिकला ताड तेरीला ल्यामु कितुप नासाम तोडा।

16 नरी सेम किर्मु क्यानी दे।

17 नरी मोपोर क्यानी देता।

18 दुक्पा ख्येल्सिनाड किर्मु वोसिनाड कोन्छयोक्ला थुचिछे पुल। च्यिलासिसिन येशूला तेपा कितुप मीतिवा तुकै राड वुड गोकिवी सिस्प ति कोन्छयोक्की नोवा यिन।

19 कोन्छयोक्की थु चाङ्माकी कितुप लाकाला माग्यक।

20 कोन्छयोक्की लुङ्तेम्बातिवी नम्दर शेतुप ताम्डेला मारे मातोड।

21 तेरी ताम्डेतिवा ल्यामु वोतुप मेतुप ल्होसा। तमा चुका ताम्डे ति ल्यामु नोके, तीला राड युसा।

22 मेलोवा वोतुप तेरी ताम्डे दुक्टा नेसुर कुतुक देता।

23 लोदिमु नङ्गुप कोन्छयोक्की राड खिराडला तेरी टेङ्बु जो नङ्शी, तमा दाक्पी चोवो येशू ख्रीष्ट फेपुप पेला सेक खिरा थु ताड सेम ताड जु तेरी काड साड क्येन मेतुप च्युङ्शी।

24 खिराडला कताड नङ्गुप कोन्छयोक् ति खोङ्तेर्मु वे, खोकी राड खिराडला ती तेरी ताम्डेतिवा नङ्गिगी।

- 25 अच्युनुपतिवा, डियरा थोक्ला साड मोपोर किसान।
26 तेरी अच्युनुपतिवाला डियड्ज्ये ताड मुला टसी देलेक सिसा।
27 चोवोकी मिडला ड खियराडला गोड्बा शोयी, दी यिकी ति रानी तेरी
अच्युनुपतिवाला ड्येन्शिता।
28 दाक्पी चोवो येशू खीष्टकी कटिन ति खियराडला बुड्शी।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be